

Na osnovu člana 32. stav 2. Zakona o prebivalištu i boravištu državljanu Bosne i Hercegovine ("Službeni glasnik BiH", br. 32/01 i 63/08), Ministarstvo civilnih poslova Bosne i Hercegovine donosi

PRAVILNIK

O IZMJENAMA I DOPUNAMA PRAVILNIKA O POSTUPKU PRIJAVE I ODJAVE PREBIVALIŠTA I BORAVIŠTA DRŽAVLJANA BOSNE I HERCEGOVINE, OBRASCIMA I EVIDENCIJAMA PREBIVALIŠTA I BORAVIŠTA

Član 1.

U Pravilniku o postupku prijave i odjave prebivališta i boravišta državljanu Bosne i Hercegovine, obrascima i evidencijama prebivališta i boravišta ("Službeni glasnik BiH" br.39/02), u dalnjem tekstu: Pravilnik, član 2. mijenja se i glasi:

"Poslove navedene u članu 1. Pravilnika obavljaju u okviru svoje nadležnosti u Federaciji BiH kantonalna ministarstva unutrašnjih poslova, u Republici Srpskoj Ministarstvo unutrašnjih poslova RS-a i u Brčko Distriktu Bosne i Hercegovine nadležni organ koji funkcionalno djeluje kao državna institucija (u dalnjem tekstu: nadležni organ), u skladu sa članom 5. stav 1. Zakona o prebivalištu i boravištu državljanu Bosne i Hercegovine (u dalnjem tekstu: Zakon)."

Član 2.

U članu 4.stav 1. Pravilnika na kraju teksta briše se tačka, dodaje tekst: "a za maloljetno lice izvod iz matične knjige rođenih" i dodaje tačka.

U članu 4. Pravilnika iz stava 1. dodaje se novi stav 2. koji glasi : "Izvod iz matične knjige rođenih i uvjerenje o državljanstvu kao dokazi o identitetu podnosioca zahtjeva, mogu se pribaviti elektronskim putem, po službenoj dužnosti, od strane nadležnog organa ukoliko su stvoreni tehnički uslovi za pribavljanje tih dokaza kod nadležnog matičnog ureda".

U članu 4. Pravilnika dosadašnji stavovi 2. i 3. postaju stavovi 3. i 4.

Član 3.

U članu 7. Pravilnika, stav 7. mijenja se i glasi:

"Centralnu evidenciju prebivališta-boravišta vodi i održava elektronskim putem Ministarstvo civilnih poslova Bosne i Hercegovine - Agencija za identifikacione dokumente, evidenciju i razmjenu podataka BiH, u skladu sa Zakonom i Zakonom o Agenciji za identifikacione dokumente, evidenciju i razmjenu podataka BiH."

Član 4.

U članu 8. Pravilnika, stav 1. mijenja se i glasi:

"Pristup i korištenje podacima iz evidencije o prebivalištu i boravištu državljanu BiH, vrši se na osnovu Zakona i Zakona o Agenciji za identifikacione dokumente, evidenciju i razmjenu podataka BiH."

Član 5.

U članu 9. Pravilnika, stav 1. mijenja se i glasi:

"Evidencija prebivališta - boravišta vodi se i održava putem elektronske obrade podataka i sadrži podatke iz člana 6. stav 1. Zakona."

U članu 9. Pravilnika dodaje se novi stav 3. koji glasi :

"Državljaninu BiH na njegov zahtjev izdat će se uvjerenje o prebivalištu, odnosno boravištu, od strane nadležnog organa, sa podacima o svim adresama prebivališta - boravišta koje se vode u evidenciji prebivališta - boravišta, na obrascu PBA - 4A koji je u prilogu ovog pravilnika."

Član 6.

U cijelom tekstu Pravilnika riječi: "Ministarstvo civilnih poslova i komunikacija BiH - MCPK" zamjenjuje se rijećima: "Ministarstvo civilnih poslova BiH - MCP", u odgovarajućem padežu.

Član 7.

Ovaj Pravilnik stupa na snagu osmog dana od dana objavljanja u "Službenom glasniku BiH".

Broj 15-02-2-5029-1-SM/08

29. decembra 2008. godine

Sarajevo

Ministar

mr. **Sredoje Nović**, s. r.

Prilog : PBA-4A

Obrazac PBA – 4A

/ Naziv organa /

Broj: _____
Datum: _____ god.

Na osnovu / temelju člana _____ Zakona o upravnom postupku (_____), a na zahtjev

Ime: _____ Prezime: _____
izdaje se

UVJERENJE

da

JMB: _____

Ime: _____

Spol: _____

Prezime: _____

Datum rođenja: _____

Djevojačko prezime: _____

Mjesto rođenja: _____

Ime roditelja: _____

Općina rođenja: _____

Prezime roditelja: _____

Državljanstvo: _____

Ima/-o sljedeća prebivališta:

| Općina | Mjesto | Ulica | Broj | Datum od-do | Vrsta |
|--------|--------|-------|------|-------------|-------|
| | | | | | |
| | | | | | |
| | | | | | |
| | | | | | |
| | | | | | |

Ovo uvjerenje se izdaje na osnovu / temelju evidencije prebivališta-boravišta, koja se vodi kod ovog Organa i služit će u svrhu _____
Taksa / pristojba u iznosu od / Taksa u iznesu od _____ KM naplaćena je i poništena na podnesku.

M.P.

Potpis službenog lica-osobe

Lični / osobni podaci iz ovog obrazca bit će obrađeni u svrhe određene Zakonom o prebivalištu i boravištu državljanima BiH i biti predmetom prava i zaštite propisane Zakonom o zaštiti ličnih / osobnih podataka.